



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

3. Victoriarum amittendarum nuntia monstra.

urn:nbn:de:hbz:466:1-45686

ric. Kornman. tum edidit. Mulieris parentes attoniti monstrum in forum detul-
nus de mirac. runt, ubi consociato senatu, vocatisq; auxiliis, deliberatum fu-
mortuor. p 4. it, quid monstro illo faciendum esset. Consuluerunt alij, ut partu
cap. 13. flamma aboleretur; alij, ut mater cum partu & colorum finibus
exigeretur. Heic Polycritus nigro uestitu amictus repente apparuit,
& precibus primis, deinde minis filium reposuit. Recensantibus
Aetolis, in medium profiluit, & infantem apprehensum totum da-
glutinavit, capite excepto, statimq; disparevit, Aetolis ingenti stupore
perculsis, & de legatis ad oraculum Delphicum mittendis consulen-
ribus. Infantis caput in medio foro iacens loqui coepit, & graui ora-
tione magnam cedem predixit, qua non multo post secura est, prelio,
inter Aetolos & Acharnanenses, commisso. Habes hic præfigi-
um & supplicium. Erat enim digna parentibus proles, mul-
ctans pariter, & vaticinans, sed non sine dæmone monstri pa-
rente, Dei lictore, & mali nunciatore.

III.
Valer. Max.
lib. I. c. 6, n. 6.

Sunt &c, apud Valerium Maximum huius præmonitio-
nis exempla. Nam loquens de C. Hostiliij Mancini velana
perseuerantia scribit, ei consuli in Hispaniam ituro hac prodigia
accidisse. Cum ab Herculis portu, quo pedibus peruenerat, nauis
conscenderet, talis vox sine ullo auctore ad aures eius peruenit,
Mancine mane. Qua territus, cum itinere conuerso Genuam pa-
tisset, & ibi scapham esset ingressus, anguis eximie magnitudinis vi-
sus e conspectu abiit. Haec & insuper aliquid de pullis fugitiis,
concludit tali epiphonemate: Ergo numerum prodigiorum nu-
mero calamitatum aquauit, infelici pugna, turpi fædere, dedi-
ne funesta. Et postea, paulo infra: Non sinit nos M. Crassus, in-
ter grauiissimas nostri imperij iacturas numerandus, hoc loco, de
silentium agere: plurimis & evidenter, ante tantam ruinam,
monstrorum pulsatus ictibus. Vbi autem ea commemorauit, ita
pergit: Magna hac prodigia: sed & illæ clades aliquanto maiori:
tot pulcherrimarum legionum interitus, tam multa signa hostilibus
intercepta manibus, tantum Romana militie decus barbarorum ob-
tritum equitatæ, optime indolis filij cruore paterni respersi oculi, cor-
puq; imperatoris inter promiscuas cadaverum strues, animum fer-
rumq; laniatibus obiectum. Vellem equidem placidius, sed quod re-
latu verum est. Sic dijstreti excandescunt: sic humana confusa.

sigantur

figantur, ubi se calestibus preferunt. Plerumque enim fit, ut perituri primum prudentiam amittant, dein sua sapientia nixi consilia salubriora spernant, quorum ope imminentes sibi calamitates vitare potuissent; vnde id consequuntur, ut quod illis accidit, etiam merito accidisse videatur, & casus in culam transeat. Atque hæc quidem vel Ethnici agnouerunt.

Eorundem signorum rationem haberi vult etiam diuinus Spiritus in litteris sacris. Quid enim aliud voluit David celebri illo ac festivo cantu? *Confitemini Domino, & invocate nomen eius: notas facite in populis adiuventiones eius. Cantate ei, & psalmitate ei: & narrate omnia mirabilia eius, &c. Quarite Dominum, & virtutem eius: querite faciem eius semper. Recordamini mirabilium eius, quæ fecit: signorum illius, & iudiciorum oris eius. Quin & ipse Seruator ait: Erunt signa in sole, & luna, & stellis, & in terris pressura gentium, pra confusione sonitus maris & fluctuum.* Vbi & alia complura signa commemorat. Sicut ergo signa illa iudicium vniuersale sunt prænunciatura; ita multis idem clementissimus in hac vita judex Deus, antè per monstra significat iudicium quoddam peculiare, ut fugiant à facie arcis. Antè enim tonat, quām fulminat, & priùs telum ostendit, quām mittit. Eiusmodi signa in cælo, in terris, in omnibus elementis, ac generibus rerum dedit. In cælo quidem stellas nouas, vt omittam Cometas: nam de Cometis futuras clades portendentibus proprium volumen conscribi posset. Thucidides certè, & Plutarchus tradunt, ante cladem Atheniensium in Sicilia, quæ accidit Olympiade nonagesima secunda, Euclæ Athenis prætore, Cometam in Septemtrione visum esse. Significauerat is, & Athenienses vincendos, & Niciam cum alijs interficiendum. Sed quid hunc Oceanum ingrediar? Visus à nobis cometa Anno 1618. nonne satis multas, magnas, & diurnas Germaniæ bellicas calamitates portendit? Sed quām pauci eius commonitione territi à vitæ suæ improbitate resiliunt? Expectauimus vltronei cladem; cuius nunc à Deo finem fieri quotidie optamus, nec tamen ipsi finem facimus. Numinis offendendi. Poenæ terminum volumus poni, non delictis: & clementem cupimus esse illum, quem videmus mo-

IV.
1. Paralip. 16.
2. 12.

Luc. 21. 27.

Thucid. I. 6.
& Plutarch.
in Nicia.

Yyy 2

nentem.